



Naalakkersuisut siulittaasuat  
Landsstyreformanden

Inatsisartunut ilaasortaq Per Berthelsen, maani

Ulloq, 21. april 2006  
Sags nr. 16.00.01

Allakkatigut 10. april 2006-imeersutigut Inatsisartut Suleriaasianni § 36, imm. 1 innersuussutigalugu makku Naalakkersuisunit nassuiaatigineqarnissaat qinnutigaat:

Postboks 1039  
3900 Nuuk  
Tlf. (+299) 34 50 00  
Fax (+299) 32 50 02

**1. Sulisut suliamik malinnaanissaat pillugu Aaqqissuusseqqinnermi isumalioqatigiit isumaat Naalakkersuisut isumaqatigaat? Aap-ipuppat,**

- Tjenestemaninut suliamik kommunimut allamut malinnaarusunngitsut qanoq kinguneqassava?
- Tjenestemandit qulaani pineqartut nooqataarusunngitsut ukiuni pingasuni sulisussaataaermermi akissarsiat pissarsiarisassaavaat?
- Allaanerussava kommunit atorfirmik allamik tulluartumik periarfissiisinnaanngippata? Assersuutigalugu kommunaldirektørit ikilingaatsiassapput, taakkulu atorfirmik tulluartumik neqeroorfisissallugit periarfissaqanngingajappoq, tasisuaartup "atorfik tulluartup" isuma tasisuaartingaatsiannngikkaanni - taamaalillunilu isumaarutissalluni.

Sulisut suliaminnik malinnaanissaannik aaqqissuussaanermut ataatsimiititaliap isumaa Naalakkersuisut tunngaviatigut isumaqataaffigaat.

Tjenestemandinut kommunimut allamut suliaminnik malinnaarusunngitsunut tunngatillugu kommunimi atorfiup tjenestemandip nuuffigisaani isumaginissaanut atorfik naleqquttuunersoq nalilertariaqarpoq, takuuk tjenestemandit pillugit inatsimmi § 15, imm. 1.

Tjenestemandi atorfirmut naleqquttumut nuunneqassappat atorfiup taassuma tiginissaanut tjenestemandi pisussaataaavoq tamannalu tjenstemandiusup kissaatiginnngippagu tjenestemandiusup atorfini nammineerluni atofigiunnaarniartariaqarpaa. Taama pisoqartillugu tjenstemandiusoq ukiuni 3-ni suleqquneqarnissamut piareersimatinneqartutut akissarsiaqartitaasinnaanngilaq.

Akerlianilli tjenestemandiusoq atorfirmut maannamut atorfiusup avataaniittumut nuutsineqassappat tamanna pisinnaavoq kattuffik isumaqatigiissuteqarfigalugu, takuuk tjenestemandit pillugit inatsimmi § 15, imm. 2. Taamatuttaaq pisoqartillugu atorfiup tiginissaanut tjenestemandiusoq pisussaassaaq tjenestemandiusorlu atorfirmut naleqquttumut allamut neqeroorfigineqarsinnaangippat tjenestemandiusoq soraarsitaasariaqassaaq atorfiup atorunnaarsinneqarnera tunngavigalugu kingornalu ukiuni 3-ni suleqquneqarnissamut piareersimanermi akissarsiaqarsinnaatitaalluni (tamanna tjenestemandinut misiliummik atorfeqartitanut atuutsinngilaq). Tjenestemandiusoq piareersimasussaataanerup naareernerani ukiut 10 sinnerlugit soraarnerusut sulereersimappat tjenestemandiusoq pensioneqalivinnissamut piginnaatitaavoq tamatumalu kingunerisaanik soraarnerussutisiassat immikut ittut akilerneqartussaallutik (tjenestemandiusoq 60-inik ukioqalereersimangippat).

Taamaattorli tjenestemandiusup ayorfimmut naleqqutinngitsumut nuunnissaa pillugu tjenestemandi ataasiakkaa isumaqatigiissuteqarfigissallugu periarfissaqarpoq. Taama pisoqartillugu pensioneqalernissamut tapiliummik tunniussisoqarsinnaavoq allanngineq sioqqullugu tjenestemandiusoq taamaaqataanik akissarsiaqartussanngorlugu atorfik akissaatikinneruffiusoq pineqartillugu, takuuk tjenestemandit pillugit inatsimmi § 56.

## **2. Kommuninngortussani allannguinissanut atatillugit tjenestemandinut atugassarititaasut pillugit ajornartorsiuteqalernissaq paasiniarlugu Naalakkersuisut tjenestemandit kattuffii attaveqarfigisimanerlugit? Aap-iuppat,**

- **Tjenestemandit suliamut malinnaanissaannut pisussaataanerat pillugu naliliinersi tjenestemandit kattuffiisa isumaqatigaasi? Naaggaappat,**
- **Taama isummersimanissinnut suut tunngavilersuutigaa?**

Tamanna pillugu Sulisoqarnermut Pisortaqarfiup Aningaasaqarnermut Pisortaqarfik apeqquteqarfigaa imatullu nalunaarfigineqarluni:

1. Aaqqissussaannerumut iluarsaqqiinissaq pillugu suliamut tunngatillugu Aaqqissuussaannerumut Ataatsimiititaliaq kattuffimmut isumaqatiginninniar-tussaataasumut saaffiginnissuteqarnikuunngilaq.
2. Aningaasaqarnermut Pisortaqarfiup oqaatigaa Aningaasaqarnermut Pisortaqarfik KANUKOKA peqatigalugu ilaatigut aaqqissuusseqqinnerup ilu-arsartuutseqqinnissaa pillugu ilaatigullu aqqissuusseqqinnerup sulisoqar-nikkut kingunissai pillugit kattuffiit isumaqatiginninninnarsinnaatitaasut ilisima-titsissuteqarnissamut ataatsimiigaaqussagai. Akileraartitsisarnerup qiti-usunngortinnissaanut tunngatillugu Akileraartarnermut Pisortaqarfiup Anin-gaasaqarnermut Pisortaqarfimmi Isumaqatigiissuserisarfik peqatigalugu kattuffinnik ilisimatitsissutaasumik ataatsimeeqateqarpoq aqutsisoqatigiillu pilersinneqarlutik ingerlarngalu pillugu suliassanik pilersaarusiortoqarluni.

Akilerartarnerup qitiusunngortinnissaa aaqqissuusseqqinnerup ilagaa tassungalu aallarnersaafittut isigineqartariaqarluni. Suliassaq tassunga assingusoq atorniarnearpoq aaqqissuusseqqinnissamut atatillugu. .

3. Naggataagut Isumaqatigiissuseriffiup oqaatigaa aaqqissuusseqqinnerup sulisoqarnikkut kingunissai pillugitmassakkut KANUKOKA'p Namminersornerullutillu Oqartussat ataatsimut ilisimatitsissutissaat5 suliarineqartoq. Ataatsimut ilisimatitsissutissaq KANUKOKA'p siulersuisuinut Naalakkersuisunukllu saqqummiunneqarumaarpoq.

### **3.Tjenestemandit amerlaqisut ilaqutaqarmata kommunimut allamut nuunnissaq pillugu aalajangernissaq tamakku aalajangernissaat imannaassanngilaq. Tamakku pillugit Naalakkersuisut qanoq ilius-samaarpat?**

Aaqqissuusseqqinneq massakkut aallarnersarneqaleruttorpoq sulilu aalajangiisoqavinnani. Taamaattumik Naalakkersuisut tjenestemandit ilaqutaasa ikiornissaannut erseqqissumik sulii aalajangigaqanngillat. Taamaattorli ajornartorsiut Naalakkersuisut maluginiarpaat.

Ikinngutinnersumik inuulluaqqusillunga

Hans Enoksen